

Evangelium vum 19. Sonndeg am Joreskrees (Joer C)

Lk 12,35-40 (Kuerzfaassung)

G. *Den Här sief mat iech all.*

A. *An och mat lech.*

G. *Aus dem hellegen Evangelium nom Lukas.*

A. *Dir all Eier, Här.*

35 De Jesus sot zu senge Jünger:

"Kuckt, datt dir fäerdeg ugedoe sidd'
an datt är Luuchte brennen!

36 Dir sollt sinn ewéi Leit,

déi op hiren Här waarden,

dee vun enger Hochzäit zréckkomme soll,
fir datt si him gläich opmaache kënnen,
wann hie kënnt a klappt.

37 Glécklech sinn déi Dénger,

déi den Här waakreg fënnt, wann hien heemkënnt!

Amen, ech soen iech:

Hien deet e Schiertech un

a léisst si um Dësch Plaz huelen;

da geet hien hin a bedéngt si.

38 A wann hien an där zweeter oder an där drëtter Nuetswuecht kënnt

an si esou fënnt –

glécklech sinn si!

39 Verhaalt iech dat hei:

Wann den Haushär wéisst,

a wat fir enger Stonn den Déif kënnt,

da géif hien net zouloossen, datt an säin Haus agebrach gött.

40 Haalt och dir iech prett,

well de Mënschejong kënnt zu enger Stonn,

wou dir net drop gefaasst sidd!"

G. *Evangelium vun eiser Här Jesus Christus.*

A. *Dech, Christus, luewe mir.*

i Wuertwiertlech: Kuckt, datt dir de Rimm em d'Heffen hut; Ex 12,11.